

淮南子

一
函六册

淮南子卷十五

武進莊氏校本

漢涿郡高誘注

兵略訓

兵防也防亂之萌皆在畧謀解論至論用師之意也故曰兵畧

古之用兵者非利土壤之廣而貪金玉之畧

畧獲得也

將以

存亡繼絕平天下之亂而除萬民之害也凡有血氣之蟲含牙帶角前爪後距有角者觸有齒者噬有毒者螫有蹠者趺喜而相戲怒而相害天之性也人有衣食之情而物弗能足也故羣居雜處分不均求不澹則爭爭則強脅弱而勇侵怯人無筋骨之強爪牙之利故割革

而爲甲鏃鐵而爲刃貪昧饕餮之人殘賊天下萬人搔

動莫寧其所有聖人勃然而起乃討強暴平亂世夷險

除穢以濁爲清以危爲寧故不得不中絕

中絕謂若殷王中相絕滅

兵之所由來者遠矣黃帝嘗與炎帝戰矣

炎帝神農之末世也與黃

帝戰於阪泉

顓頊嘗與其工爭矣

共工與顓頊爭爲帝觸不周山達吉菽

太平御覽引下有

故黃帝戰於涿鹿之野

黃帝與蚩尤戰于涿鹿涿

鹿在堯戰於丹水之浦

堯以楚伯受命滅不義于丹水丹水在南陽

舜伐有

苗

有苗三啟攻有扈

禹之子啟伐有扈于甘甘在右扶風郡

自五帝而弗

能偃也又况衰世乎夫兵者所以禁暴討亂也炎帝爲

火災故黃帝禽之共工爲水害故顓頊誅之教之以道
導之以德而不聽則臨之以威武臨之威武而不從則
制之以兵革故聖人之用兵也若櫛髮耨苗所去者少
而所利者多殺無罪之民而養無義之君害莫大焉殫
天下之財而澹一人之欲禍莫深焉使夏桀殷紂有害
於民而立被其患不至於爲炮烙晉厲宋康行一不義
而身歿國亡不至於侵奪爲暴此四君者皆有小過而
莫之討也故至於攘天下攘害百姓肆一人之邪而長
海內之禍此大倫之所不取也所爲立君者以禁暴討

亂也今乘萬民之力而反爲殘賊是爲虎傳翼曷爲弗

除夫畜池魚者必去獮獪

獮獪之類食魚者也

養禽獸者必去豺

狼又况治人乎故霸王之兵以論慮之以策圖之以義

扶之非以亾存也將以存亾也故聞敵國之君有加虐

於民者則舉兵而臨其境責之以不義刺之以過行兵

至其郊乃令軍師曰毋伐樹木毋決墳墓毋藝五穀

燒焚

也毋焚積聚毋捕民虜毋收六畜

達吉按太平御覽此下有注云無聚所征

國民爲採取無收乃發號施令曰其國之君

達吉按太平御覽引

其作傲天侮鬼決獄不辜殺戮無罪此天之所以誅也

民之所以仇也兵之來也以廢不義而復有德也有逆

天之道帥民之賊者

達吉按太平御覽引帥作爲

身歿族滅以家聽

者祿以家以里聽者賞以里以鄉聽者封以鄉以縣聽

者侯以縣尅國不及其民廢其君而易其政尊其秀士

而顯其賢良振其孤寡恤其貧窮出其囹圄賞其有功

百姓開門而待之浙米而儲之

浙漬也

唯恐其不來也此

湯武之所以致王而齊桓之所以成霸也故君爲無道

民之思兵也若旱而望雨渴而求飲夫有誰與交兵接

刃乎故義兵之至也至於不戰而止

達吉按太平御覽作至於不戰而心

服晚世之兵君雖無道莫不設渠塹傅堞而守

傅守也堞城上

女攻者非以禁暴除害也欲以侵地廣壤也是故至於

伏尸流血相支以日而霸王之功不世出者自爲之故

也夫爲地戰者不能成其王爲身戰者不能立其功舉

事以爲人者眾助之舉事以自爲者眾去之眾之所助

雖弱必強眾之所去雖大必亡兵失道而弱得道而強

將失道而拙得道而工國得道而存失道而亡所謂道

者體圓而法方

達吉按太平御覽作取圓而法方

背陰而抱陽左柔而

右剛履幽而戴明

達吉按太平御覽引明作陽

變化無常得一之原

以應無方是謂神明夫圓者天也方者地也天圓而無

端故不可得而觀地方而無垠故莫能窺其門天化育

而無形象地生長而無計量渾渾沈沈孰知其藏凡物

有朕唯道無朕

言萬物可朕也而道不可朕也

所以無朕者以其無常

形勢也輪轉而無窮象日月之運行若春秋有代謝若

日月有晝夜終而復始明而復晦莫能得其紀制刑而

無刑故功可成物物而不物

達吉按太平御覽引作象物而不物

故勝而

不屈刑兵之極也至於無刑可謂極之矣

達吉按太平御覽引無之

是故大兵無創與鬼神通五兵不厲天下莫之敢當

建鼓不出庫諸侯莫不懼悽沮膽其處故廟戰者帝神
化者王所謂廟戰者法天道也神化者法四時也脩政
於境內而遠方慕其德制勝於未戰而諸侯服其威內
政治也古得道者靜而法天地動而順日月喜怒而合
四時叫呼而比雷霆音氣不戾八風詘伸不獲五度獲誤
也五度五行也下至介鱗上及毛羽條脩葉貫萬物百族由本
至末莫不有序是故入小而不偏偏迫也處大而不窳浸
乎金石潤乎草木宇中六合振豪之末或曰宇中四字也六合六合內
莫不順比道之浸洽溥漻纖微無所不在是以勝權多

也夫射儀度不得則格的不中

格射之樞質也的射準也

驥一節不

用而千里不至夫戰而不勝者非鼓之日也

鼓之日謂陳兵擊鼓

鬪之日也

素行無刑久矣故得道之兵車不發軔

軔車騎不下支騎不

被鞍鼓不振塵旗不解卷

卷束也

甲不離矢刃不嘗血朝

不易位賈不去肆農不離野招義而責之大國必朝小

城必下因民之欲乘民之力而爲之去殘除賊也故同

利相成同情相成同欲相助順道而動天下爲嚮因民

而慮天下爲圖獵者逐禽車馳人趨各盡其力無刑罰

之威而相爲斥閫要遮者

斥候也閫塞也

同所利也同舟而濟

於江卒遇風波百族之子捷猝招杼船

捷疾取也

若左右手

不以相德其憂同也故明王之用兵也爲天下除害而

與萬民共享其利民之爲用猶子之爲父弟之爲兄威

之所加若崩山決塘敵孰敢當故善用兵者用其自爲

用也不能用兵者用其爲己用也用其自爲用則天下

莫不可用也用其爲己用所得者鮮矣兵有三詆

詆要事也

治國家理境內行仁義布德惠立正法塞邪隧羣臣親

附百姓和輯上下一心君臣同力諸侯服其威而四方

懷其德脩政廟堂之上而折衝千里之外拱揖指撝而

天下響應此用兵之上也地廣民眾主賢將忠國富兵

強約束信號令明兩軍相當鼓鐔相望

鐔鐔于大鐘也

未至兵

交接刃而敵人奔亡此用兵之次也知土地之宜習險

隘之利明奇正之變察行陳解贖之數維枹綰而鼓之

綰貫枹係於臂以擊鼓也

白刃合流矢接涉血屬腸輿歿扶傷流血

千里暴骸盈塲乃以決勝此用兵之下也今夫天下皆

知事治其末而莫知務脩其本釋其根而樹其枝也夫

兵之所以佐勝者眾而所以必勝者寡甲堅兵利車固

馬良畜積給足士卒殷軫

殷眾也軫乘輪多盛貌

此軍之大資也

而勝亡焉明於星辰日月之運刑德奇賁之數

奇賁陰陽奇祕

之要○達吉按說文解字云該軍中約也又漢書有五音奇肱史記倉公傳作奇咳古字賁肱咳皆應作該五音奇肱兵家書也故許慎以爲軍中約

背鄉左右之便此戰之助也而全

亡焉良將之所以必勝者恒有不原之智不道之道難

以眾同也夫論除謹

論除論賢除吏謹慎也

動靜時吏卒辨兵甲

治正行伍連什伯明鼓旗此尉之官也

軍尉所以尉鎮眾也

前後

知險易見敵知難易發斥不怠遺

發有所見斥斥度候視也

此候之

官也

軍候候望者也

隧路亟

隧道也亟言治軍隧道疾也

行輜治

行輜道人行輜重也

賦丈均

賦治軍壘尺丈均平也

處軍輯井竈通此司空之官也

司軍

空補空
脩繕者

收藏於後遷舍不離無淫輿無遺輜此輿之官

也

輿輿也俟領輿
眾在軍之後者

凡此五官之於將也猶身之有股肱

手足也必擇其人技能其才使官勝其任人能其事告之以政申之以令使之若虎豹之有爪牙飛鳥之有六翮莫不爲用然皆佐勝之具也非所以必勝也兵之勝敗本在於政政勝其民下附其上則兵強矣民勝其政下畔其上則兵弱矣故德義足以懷天下之民事業足以當天下之急選舉足以得賢士之心謀慮足以知強弱之勢此必勝之本也地廣人眾不足以爲強堅甲利

兵不足以爲勝高城深池不足以爲固嚴令繁刑不足

以爲威爲存政者雖小必存爲亡政者雖大必亡昔者

楚人地南卷沅湘

卷屈取也沅湘二水名

北繞潁泗

潁泗二水名也西包

巴蜀東裹郢郢

巴蜀郢地地名

潁汝以爲洫

洫溝也

江漢以爲池

垣之以鄧林

鄧林水名

縣之以方城

縣落也方城楚北塞也在南陽葉

山

高尋雲谿肆無景

肆極也極溪之深不見景也

地利形便卒民勇敢

蛟革犀兕以爲甲冑脩鍛短鎡

鎡小矛也

齊爲前行積弩陪

後

積弩連弩也

錯車衛劬疾如錐矢

錐金簇翦羽之矢也

合如雷電解

如風雨然而兵殆於垂沙

垂沙地名

眾破於柏舉楚國之強

大地計眾中分天下然懷王北畏孟嘗君魯干齊也背而稷

之守而委身強秦

懷王入秦秦留之藍田也

兵挫地削身歿不還二

世皇帝

二世秦始皇少子胡亥也

勢爲天子富有天下人迹所至

殲所通莫不爲郡縣然縱耳目之欲窮侈靡之變不顧

百姓之飢寒窮匱也興萬乘之駕而作阿房之宮

阿房地名

秦所築也

發閭左之戍

秦皆發閭左民未及發而秦亡也

收太半之賦

貲民之三

而稅

百姓之隨逮肆刑挽輅首路歿者

隨逮應召也肆刑極刑輅輓輦

橫木也

一旦不知千萬之數天下敖然若焦熱傾然若苦

烈上下不相寧吏民不相憐

憐

戍卒陳勝興於大澤攘

臂袒右

陳勝字涉汝陰人也大澤沛縣縣袒右脫右臂衣也

稱爲大楚而天下嚮

應當此之時非有牢甲利兵勁弩強衝也伐棘棗而爲

矜

棘棗酸棗也矜子柄

周錐鑿而爲刃

周內也然矜以內鑽鑿也

剡擗桀奮僇

鑊

擗剡銳也鑊斫也

以當脩戟強弩攻城略地莫不降下天下

爲之糜沸螳動雲徹席卷方數千里勢位至賤而器械

甚不利然一人唱而天下應之者積怨在於民也武王

伐紂東面而迎歲

大歲在寅

至汜而水

汜地名水有大雨水也

至其頭

而墜

共頭山名在河曲共山墜墮也

彗星出而授殷人其柄

時有彗星柄在東方

可以埽

西人也當戰之時十日亂於上風雨擊於中然而前無